



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

238. König Franz von Frankreich dankt durch den Ritter Joachim Maltzan
für die ihm und der Prinzessin Renata übersandten Brandenburgischen
Geschenke, am 24. Juli 1519.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

Frankreichs. Der Bericht findet sich in Le Geay Négociations diplomatiques entre la France et l'Autriche (Coll. des doc. inéd.) Paris. 1843. T. II. p. 443.

238. König Franz von Frankreich dankt durch den Ritter Joachim Malhan für die ihm und der Prinzessin Renata übersandten Brandenburgischen Geschenke, am 24. Juli 1519.

Carissime ac dilectissime. Dator presentium reddidit nobis literas vestras vna cum reticulis et camisia a carissima ac dilectissima consanguinea nostra marchionissa Brandiburgensi ad nos destinatis, ac preterea diamante et literis, quas filius eius misit ad carissimam et dilectissimam sororem nostram Renatam Francie, necnon literis, quas marchio et eius filius ad nos scribunt, et etiam illis, quas marchio et marchionissa ad vos miserunt. Scribimus plenissime ad oratorem nostrum, qui est apud Imperatorem, ut dicto marchioni respondere possit de his, que ad vos scripsit, eique quam maximas gratias agat de sincera et benevola mente, quam erga nos habet, horteturque illum, vt in eo proposito ipse et frater eius permanere velint et amicis suis persuadere, vt firmiter partes nostras tueantur, ne vane sint et frustratorie eorum promissiones. Fatemur sane, nos multum debere dicto marchioni ob ea precipue, que ad vos scripsit, cognoscimusque reuera, ipsum esse virum magnanimum et de sua fide honoreque sollicitum. Cum eiusmodi viris iucunda est et conflanda amicitia. Ipse quidem non minus sibi polliceri potest de nobis. Preterea nomine nostro salutabitis iam dictam carissimam et dilectissimam consanguineam nostram marchionissam illique agetis gratias de pulcherrimis et ornatissimis reticulis et camisia, que munera nobis fuerint gratissima. Illa sane induemus in illius gratiam et amorem, eo presertim quod in eis conficiendis ornandisque singularum industriam artemque exhibuisse videtur. Misimus ad dilectissimam et carissimam sororem nostram diamantam et literas, quas filius iam dicte consanguinee nostre ad eam destinat, quod donum illi gratissimum acceptissimumque fore cognoscimus.

Carissimi ac dilectissimi. Prima illa vestra expeditio ad electores, amicos nostros, qui in dieta imperiali personaliter comparituri sunt, quam dilectus et fidelis cancelarius noster superioribus diebus juxta tenorem literarum vestrarum nobis plenissime exposuit, visa est commodissima, et non minus illa alia, de qua per jam dictas literas vestras nos certiore redditis. Insuper maiorem in modum optamus, ut hos labores pro nobis equo et libenti animo deferatis, neque illorum mole grauemini, sicut neque grauabimur in futurum nostram in vos liberalitatem, munificentiamque exercendo, prout re ipsa cognoscetis. Ex oppido Fisse, die XXIII^a. Julii.

F r a n c o y s .

Robertet.

Eich, Malhansche Urkunden-Sammlung V, 343. Zu vgl. die dort folgenden interessanten Actenstücke S. 345—352.